

3 San Juan

Gaji carta gojañumi daja Ñu. Gayo ïgũ òaro iirare wereñumi

¹ Yũhũ bugũ mure Gayore diaye ta yũ mahigũre ipũre gojabeoa.

² Yũ mahigũ, mũhũ Goãmũre òaro umupeocũ masia yũhũ. Mũhũ Goãmũ mera òaro árĩro dopa ta mũ dũpũ sã òaro árĩcũ serẽbasaa yũhũ Goãmũre. ³ Gajirã Jesucristo yarã yũ pohro erarã mũ árĩricũre yũre wereama. Cristo gamerire diaye mũ iirare wereama erã yũre. Erã eropa werecũ peegũ bũrigã mucubiriabũ yũhũ. ⁴ Jesucristo yarã yũ buhenirã Jesucristo yare diaye ta árĩrĩre erã iicũ pee bũrigã mucubiria yũhũ.

⁵ Yũ mahigũ, mũhũ Jesucristo yarãre itamugũ òaro iiaa mũhũ. Jesucristo yarã mũ ïha masibirã sãre itamugũ òatariaro iiaa. ⁶ Erãpũ erãre mũ umupeorare wereama gũare Jesucristo yarã gamenererogue. Eropigũ Goãmũ yare buhe curirãre mũ pohrogue erarã erã gajipũ wacũ itamuque erãre. Mũ eropa iigũ òaro iigũ árĩgũca mũhũ. Eropa ta marire itamuro gahmea Goãmũ yare buherãre. ⁷ Erã Jesucristo ya árĩburire buhe curirã warã, Jesucristore umupeobirãpũre erã itamurire ne serẽbeama. ⁸ Eropirã marire Jesucristo yare buhe curirãre itamuro gahmea. Erãre eropa itamurã erã iiro dopa ta mari sã Goãmũ yare buherire itamurã iiaa.

Diotrefe ĩgu ñero iira ãhraa

⁹ Eoãmu yare buhe curirãre mu pohrogue erarã erã gajipũ wacũ itamuque erãre. Mu eropa ro majarãre Jesucristo yarãre yũ gojarapũre gojabeorabũ. Diotrefepũ ĩgu basi erã opũ árĩdiagũ yũ wererare peediabiripũ. ¹⁰ Eropigu mũa pohro yũ ejara pũhrũ ĩgu iirare werepehogura. Gũare ñero wereniguipũ. Eropigu Jesucristo yare buhe curirãre bocatĩribiripũ. Gajirã ero árĩrã erãre bocatĩridiacũ gamebiripũ. Gajirãpũ erã buhe curirãre bocatĩricũ ĩha ĩgu Diotrefe erã bocatĩrira waja erãre cohã wiupũ Jesucristo yarã gamenereri wihigue.

¹¹ Yũ mahirã, ñero iirãre ĩhacũbiricãque. Ōaro iirãre ĩhacũque. Ōarire iirã Goãmu yarã ãhrima. Ñerire iirã Goãmure masibeamã.

Demetrio ĩgu õari iira ãhraa

¹² Árĩpehrerã “Demetrio õagũ ãhrimi,” arĩma. Eropirã ĩgu iirire ĩarã õaro ĩgu iira árĩcũ masima masa. Gũa sã ĩgu õaro iirare eropa ta werea. Gũa wereniguiripũ diaye árĩcũ masia mũa.

Ñũ weretura ãhraa

¹³ Muare baja werediarabũ. Irire gojasome. ¹⁴ Merogã pũhrũ muare ĩagũ wadiaca. Eropirã mari basi weretamurãca.

¹⁵ Ōaro árĩque mũhũ. Mari mera majarã Jesucristo yarã mure õadorema. Ero majarã mari mera majarã sã õaporo. Iripẽta ãhraa.

Goãmu Yare Wereripu
Desano: Goãmu Yare Wereripu New Testament
copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022
17771afc-c309-57fd-9ff3-2d5a0cd59ff1